

龍門縣志卷十六

知縣 毓 雯 主修

張經贊

番禺張維屏總纂

事略第十

雜錄

譚錫朋分纂

龍門縣志

卷十六

目錄

龍門縣志卷十六

事略

明孝宗宏治初未置龍門山寇因採鐵起西北一路多
東莞新會之匪東南一路多程鄉海豐之姦依山鼓鑄
爭利相鬩西北掩東南而殺之踞藍漢帽子峯七坑等
處西林之民附焉遂成大亂舊志
四年總督秦紘奏請用兵命帥府苗某督兵進剿賊預
設伏於牛井朗中兵至伏發苗帥與一參軍一遊擊俱
死之

五年守備王守忠獻策募鄉勇詹邨人戴琳與弟瓊率
勇士應募身為前導官兵隨之大捷連擣賊十七寨生

龍門縣志

卷十六

事略

擒賊首茹白鬚何跳牆鄧福壽高任子江天青等斬首
數千餘黨潛竄山谷寇平始建縣治焉

九年城工告竣有紫氣祥雲如犀象形聚於城西鳳凰
山上五日不散其時五載豐稔人物殷阜文運亦漸啓

俱同上

十年十二月廣州知府林泮奉總督檄會總兵征藍漢
諸山洞蠻入其穴擒渠賊殲之明典彙

武宗正德十年十月龍門油田邨民黃貴雄妻王氏一
乳三子叔傳叔信叔佑黃通志

世宗嘉靖三十年姦商開鑪煽鐵聚眾數百未幾散而
為盜流劫鄉邨舊志

四十一年水源長吉賊發蜈蚣藍漢帽子峯諸盜黨遂倚附爲亂勢益猖獗

四十五年制軍復請用兵調廣西鎮將援勦其督兵則瓦氏也因夫故男幼與叔爭襲故自秉節入龍守道郭應聘監軍出奇制勝大破賊擒賊首鄧廷鳳斬之俘戮無算餘黨復逃匿山峒間

穆宗隆慶元年黃茂光傳作辛未年長寧水源寇起峒賊復亂聚

黨千餘屠掠邨落無虛日巡道何子明督勦調高州倅張大亨署龍門令專征連增城從化河源兵分道竝進鐵岡義勇黃茂光散財募勇士親爲鄉導衝鋒破賊官兵乘勢而前遂擒賊首劉尙德黃茂光傳作劉四德潘善興等餘

龍門縣志 卷十六 事略 二

黨悉平茂光亦戰歿自是數十年龍邑稍安俱同上

六年饑知縣王許之詳兩臺有輸粟賑濟者准給冠帶旌扁時募義而起者有廖守問譚良翰何兆碧梁世遠黃如圭廖君啓戴尙信劉夢賢劉紹周廖玪各輸粟二百石俱給冠帶廖應泰廖時貫廖明倫字彝可東門人內興仁坊人李

秀廖子義孫永堅李思茂譚存禮李茂聘名締以字行號五常蓼溪人東埔譚季賢何嘉容各輸粟一百石廖體

復輸粟六十石俱旌扁曰嘉旌義賑參舊志採訪冊

案王許之任龍門縣舊志及阮通志職官表俱作萬曆元年此云六年饑詳兩臺是在萬曆元年之先矣且勸賑事與許之傳積粟甚多次年

大饑等語亦互異記載定有錯誤阮通志宦績錄許之傳云萬曆元年令電白豈隆慶六年以前許之已宰龍門萬曆元年乃其調電白之歲耶又案李氏家乘有李茂思係茂聘兄弟曾輸粟百石賑濟舊志載李思茂無李茂思錯漏難以懸揣未審是一是二附識俟考

神宗萬曆九年五月從化增城龍門溪壑泛漲田禾盡沒滄死男婦無算明史五行志

十三年春旱採訪冊

二十四年秋大旱禾盡萎殍殮載塗知縣王許之勸富戶出穀賑濟民賴以甦舊志

龍門縣志

卷十六

事略

三

案舊志官守篇二十四年任知縣乃王宮此仍作王許之誤

四十八年正月朔旦有五色祥雲捧日而出是年夏秋大有

熹宗天啓元年復開鑪鼓鑄寇亂如故俱同上

六年大旱採訪冊

懷宗崇禎三年夏大雨連旬山崩地潰禾稻淹沒穀價騰貴民多飢死舊志

四年賊首姚亞七葉明林明就陳長腳等各聚黨數百

剽掠鄉邨民不堪命知縣任可愛一作受差練總張希廓

往諭不從設團練捍禦令民自衛賊少戢後姚亞七黨

爲鐵岡鄉勇所敗葉明黨爲長寧大席鄉勇所敗林明就黨附陳長腳及林被執陳黨孤遂伏匿山峒不敢出

掠同上

五年蝨害稼採訪冊

六年春夏大水秋大風歲荒

八年夏大水傷稼

九年十二月大水傷麥殆盡

十年蝗穀貴

十一年春多雨低田被淹米貴俱同上

十四年夏霖雨三月不止城崩二百餘丈舊志

十六年夏大旱七月大風雨歲歉採訪冊

龍門縣志 卷十六 事略 四

十七年春白燕巢於城東門霖雨兩月燕忽自隕三月

二十八日晨曦照耀至午驟雨狂風大雹寒甚樵夫行

人多凍死七月二十一日有紅雲在西北山邊望之如

一血山十二月有強賊圍城之變舊志

是年流寇陷京師峒賊四起武舉譚天池名高謀領守備

筍欲乘機作亂陰給衙役阮聖祥阮聖超糾山賊老虎

哥馬過河等數千於十二月初六日圍城水陸梗絕知

縣白爲袞不得已出庫金千兩求和賊受金不去時歲

貢戴光震避亂增城聞之即訴增城令林明順阮通志職官表

作林飛報大憲告急巡按王化澄委監紀姚生文參將

嚴尊誥赴援於二十七日破賊解圍賊黨竄入路溪渠

魁未殲羅從天結寨牛逕沈章龍結寨沈邨邵靖權結寨第七屯李培芳易昌唐隆結寨塔嶺下賊焰自此愈熾白爲袞以賞寇罷同上

時寇盜充斥鄉邨劫掠無虛日河陽研邨二約居民旋泰厚黃紀科旋泰禎旋起龍等竭力堵禦互相應援賊首李培芳易昌唐隆等多方攻擊終不得逞知縣林學增各旌以扁採訪冊

案各志不載林學增惟旋泰厚等扁云隆武二年丙戌知龍門縣事林學增立查丙戌卽順治三年此時粵東未入本朝版圖故仍用隆武年號而自甲申至庚寅寇亂頻仍卽縣官亦不

龍門縣志

卷十六

事略

五

免缺略矣

國朝

世祖章皇帝順治三年十二月我

大清總督佟養甲提督李成棟下廣州民多歸順而峒賊頑梗如故明年知縣林之秀以譚天池罪狀申請委勦事泄天池密遣人三殺驛卒而之秀不知遂通賊首林國瑞劉溼眼李啓新林耀松林冲霄等率黨二十股於四月二十九日圍城陷之繫知縣林之秀教諭藍奮興殺典史汪熊被擄生員譚六經大叫曰朝廷命官不可輕殺語未竟賊從旁刃之城遂爲所據舊志

五年提督李成棟領兵勦賊由惠至龍賊聞風悉遁擒

譚天池等誅之人心大悅

夏大雨七日山崩歲大饑穀價十倍於前孳骼充塗居民流離者甚眾

七年六月二十三日賊首羅從天沈章龍邵靖權陳亞桃林正寰等復率眾屠城殺署縣林啓呂十二月二日平南王尙可喜靖南王耿繼茂入廣州命守備張善統兵五百偕知縣方以寧至龍勦賊安民自是始設防守九年秋蝗從西來落晶溪堡一帶一日夜食禾數頃知縣方以寧禳之蝗飛去自冬閒至明年春穀價騰貴

十年知縣方以寧以寇盜未靖請兩藩用兵委牛彖劉秉功帶兵督勦塔嶺下路溪鰲溪等處獲賊首易昌唐龍門縣志

卷十六

事略

六

隆李培芳羅從天邵靖權梁有祥等斬之惟沈章龍未獲餘黨奔入羊矢坑勾引鄰邑賊首湯舜張子隆等糾黨數千盤踞永清西水峒中居民流徙增從等縣賊黨益眾散居茅岡張邨第九屯路溪第七屯等處肆行劫掠三都十一里無不受害

十一年正月十八日大雪大有年

十二年大有年

十三年大有年

俱同上

十八年五月穀大貴

採訪冊

聖祖仁皇帝康熙三年秋旱無禾大兵踵至道多餓孳知縣楊燁煮粥賑飢全活甚眾

舊志

四年各峒賊嘯聚里民逃竄他境不敢歸知縣楊燁申請委勦於四月四日會同守備王著名遣把總范定邦等襲破九屯賊擒賊首羅獻忠唐灣都斬之餘黨平

五月進勦路溪茅岡陳禾等處知縣楊燁懸重賞鼓勵士卒殺賊首王裔登等仍傳檄招撫賊眾感泣悉歸服

六月二十一日西水羊矢坑賊首湯舜張子隆等糾連

寒頭大坑各峒賊七百餘流劫長寧翁源四圍震動總

督盧崇峻阮通志作崇峻提督楊遇明委副將趙昇雲於七月

二十四日領兵至縣知縣楊燁前導身先士卒深入險

阻二十五日與賊戰計斬賊首湯舜張子隆等數十人

賊黨復屯聚深山據險抗拒二十九日入山搜勦分屯

龍門縣志卷十六事略七

隘口賊眾不得逸八月十八日偵得賊食盡將死戰突

圍楊燁與趙昇雲設伏以待二十三日賊鼓譟而出官

軍迎戰甚力伏發賊潰斬賊首沈章龍鍾日富等十餘

人殺賊眾五百餘人乘勝直搗其穴賊黨千餘盡殲焉

於是茅岡路溪陳禾永清西水及羊矢坑等處賊藪翦

除淨盡

是年夏旱大饑知縣楊燁糴粟以賑復申請大憲題奏

奉

旨蠲免錢糧十之二闔邑免逋逃之苦

五年夏旱知縣楊燁爲文齋禱於城隍神復率士民祈

雨於神祇壇立應歲大有秋九月二十四日丑刻地震

十二月二十一日午刻大雪俱同上

六年大有年採訪冊

七年大有年

三十年旱

三十五年旱

是年巡撫高承爵有均糧均役之檄意欲便民知縣盧

世貴為教諭蘇家傑生員梁誼門丁李俊蠱惑借均平

名目於正供外加徵數倍命五鬼七虎時人目書吏羅

信高尤永標羅遇隆為五鬼目差役何隆下鄉誅求竟

至勒人賣兒貼婦鬻墳毀屋稍不遂意民則立斃杖下

士亦鎖拏監禁哭聲震野逃亾者以千百計三十九年

龍門縣志 卷十六 事略 八

春諸生李待舉與縣民廖駿聲何忠彝廖福成劉佐君

廖念茲劉遇吉葉松長廖桓長王德秀等先後訴之各

大憲適總督石琳廉明公正特檄藩司查報故承審委

員廣防廳劉有成雖曲為世貴護而不能不直訴冤者

均平遂因此而除龍民慶再生焉

四十年大水害稼

五十二年夏大水害稼米貴

世宗憲皇帝雍正元年大有年

二年大有年

高宗純皇帝乾隆二年夏饑十一月二十六日雷電大

雨俱同上

十七年東莞茶山貢生王亮臣作亂分散筭付偽造印信官兵勦捕亮臣逸去餘黨聚藍溝山十二月總督阿里衮巡撫蘇昌帶兵合勦明年正月初十日藍溝平

參東

莞新志
阮通志

三十三年春夏大旱斗米八百錢民飢死甚眾

採訪冊

三十四年三春皆雨大水二次壞田廬山崩

四十六年夏大水壞田廬無數

五十一年七月旱穀貴

五十二年大旱斗米七百錢野多餓莩貧民祀先至以野菜代飯

五十三年大有年

龍門縣志

卷十六

事略

九

六十年三月米貴

仁宗睿皇帝嘉慶二年六月二十五日大風拔木壞舟楫天氣極寒人皆挾纊

六年五月大水蝗

七年七月天裂有聲如雷紅光如電良久方合

是年博羅羊矢坑賊陳爛屐四謀亂其黨甚眾蔓延龍門河源長寧等縣附近鄉邨恣意剽掠知縣師保元傳諭各鄉紳士獲盜卽斬無庸解送命長子先甲家人范二從千總某往鰲溪大陂等處堵禦時賊黨潘亞穩鮎品黃寒鼻老將六等千餘潛踞蓼溪之石塘受爛屐四密約中秋夜犯縣城監生李珍先期探聞之卽與族人

步沆會六約壯丁輪守各隘詣縣請兵剿捕八月十二日兵尙未至珍等見事急親率壯丁赴石塘焚剿俘斬過半謀主黃某亦被擒餘黨遂散

陳爛屐四之亂路溪一帶皆戒嚴紳士沈日躋等督率鄉民擒賊黨羅儘韓福旋會同營弁曾明貴赴鄧屋坑破賊巢穴賊平後日躋等因建義學於路溪墟以為會議防禦公所

八年七八月大雨連旬九月旱三冬皆雷雨

九年霖雨終歲見太陽僅四十餘日無連晴三日者穀溼不能磨以火烘而乾之

十年長寧會匪陳傳俊與關亞儘糾賊千餘犯城諸生

龍門縣志 卷十六 事略 十

李錫韜譚士瑛西門內人廖羽成東門內人等督率士民悉力堵

禦設計破之先是傳俊以亞儘有妖術結為死黨高明峒民被其所惑從之者眾遂謀亂正月二十日聞賊勢猖獗人心恟懼錫韜與士瑛羽成聚而謀曰縣主不在

署守城兵不滿五十賊至將何以戰守因共募壯勇千餘又勸各鋪戶捐米為壯勇口糧得二百六十餘石二

十三日署守備胡佐朝率兵三十二名壯勇千餘人赴城北堵禦甫至笏竹凹而傳俊亞儘已統羣賊蠡擁而

來佐朝恐不能敵急策馬奔回閉城錫韜等率壯勇及居民守陣日暮賊至許屋橋七星樓然大礮擊之擊大

旗賊卒中礮死亞儘傷股落馬賊雖心怯仍冒死前攻

東門城內婦女皆登陴以甃石擊賊三鼓守陴者擲火城下盡焚賊火藥賊方傷於火又探聞縣官由龍華率壯勇回城遂大潰附城居民四路截擊城內壯勇亦突出追捕殺賊甚夥生擒賊黨四十餘亞盡匿草莽閒為鄉民搜得緝入城二十四日知縣師保元始回署二十

六日廣州府知府福明參將張汝騫領兵至縣並率壯勇前赴高明峒搜剿賊黨傳俊尋亦被獲闔邑遂安是役也所獲賊皆如醉如癡說者謂有神助洵不誣也

總督那彥成命學官採擇敦行立品紳士教諭張兼訓導于雲路保送歲貢李璠譚子炎劉拱辰何天寵生員

梁鶴齡後充歲貢林中後充恩貢王廷鑑後充歲貢李錫韜廖元臣

龍門縣志 卷十六 事略 十一

廖羽成 賜封武翼都尉譚曜容監生劉卽元 恩賜

冠帶廖造唐職員梁造周十四人均以型方善俗扁獎

之那總督札略邑有老成人足以典型則樹表立坊之舉即化行俗美之基本部堂下車以來通飭各州縣

學官採訪鄉評鑑衡人品擇其敦行立品可為矜式者查明保送茲據龍門儒學冊送紳士李璠等前來查該

紳士均能砥礪廉隅束修圭璧樸誠夙著物望攸歸稱譽相孚褒嘉允當用是特予扁額以示優獎

十四年饑斗米五百四十錢

二十五年七月天裂有聲如雷

宣宗成皇帝道光二年三月雨雹

十一年冬寒有雪

十二年四月十六日申初隕石三隕星也一隕馬嘶水

口許姓邨前芋田未隕之先聲若震雷仰見一物色甚

黑從天而下大如斛旋轉入田土人急掘之約二尺許
得一石色類羊肝通身皆凸重數斤嗅之腥一隕油田
黃坑石方而長重二十餘斤一隕橫槎魚爛漚

七月大風雨三日九月繁霜晚禾不成十一月雪

十三年五月大水壞田廬無數早稻將熟被黑蜚傷

十四年二月十日亥刻雨雹大如雞子五月大雨十餘

日潦漲壞田廬傷稼

十五年三四月旱十二月二十二日寅卯刻大雪漫天

如飛絮樹屋皆白積地三四寸辰刻乃止

十七年三月大水壞田廬

二十四年十一月雷

龍門縣志

卷十六

事略

十三

二十九年閏四月米穀大貴斗米八九百錢百斤穀四千八百錢適霖雨

潦漲富戶又夜運出境市肆幾如縣罄城外頗多餓孍

知縣毓雯命輾倉穀平糶將居奇之姦商懲治貧民始

免於死匹比新穀出價即減三之二

三十年長寧賊首胡黃毛五等聚眾數千擾亂英德清

遠等縣知縣侯榮封恐賊犯境集城內外紳士籌捐防

堵經費命各鋪戶自選壯丁備礮械會巡東較場太平

墟古冫口等處並諭各鄉紳民團練防守十一月二十

六日賊黨周亞華等數百被官兵追勦由從化呂田竄

至高明地派墟四出鹵掠榮封聞報即募壯勇數百分

屯要害躬親查點晝夜不懈十二月朔賊移踞上建藍

田墟淫掠益甚索富民銀不滿意輒焚其廬舍初三日
鄔邨蓮塘田尾羅田石塘等堡鄉民數百赴藍田擊賊
賊分隊出拒放火燒山鄉民不諳戰陣死者數十人是
晚把總江振龍外委宋超等督率兵勇屯茅埔山初四
日會同附城義民三千餘再赴藍田攻勦我兵放礮轟
擊執旗賊先仆連斃十餘賊而兵丁梁裔鄭吉容馮日
等及壯勇梁成潘才李火安陳文梁華等亦戰歿賊殊
死鬪會日將暮振龍等引兵回城壯勇義民盡隨之而
返人心恇恇喧傳賊悉眾來犯榮封捐貲重賞守城兵
勇衣短後衣親守古山口且與紳士李夢齡泣請守備
唐高崑亟遣兵守隘高崑乃飭振龍等領兵馳往茅埔
龍門縣志

卷十六

事略

十三

山堵禦賊聞縣城有備又聞副將趙如勝感恩縣知縣
許錫勳等統兵勇萬數將至初五夜遂竄長寧羊牯田
初七日如勝等至地派墟休兵數日纔至藍田又信宿
然後往長寧追捕此次陣亡壯勇各恤其家六萬錢附
祀忠義祠

今上皇帝咸豐元年三月旱署縣張經贊甫抵任雨驟
降再率紳耆虔禱大雨如注早禾始克蒔

俱同上

雜錄

甘泉翁官至上卿服食約素推所有餘以給家人弟子
小宗大宗有義田有合食田相從士二千九百有餘於
增城龍門則有明誠龍潭館穀廣東新語
東莞張璩子家珍年十六從其兄文烈公起兵常得良
馬絕愛之摧鋒陷堅陣數有奇功馬死璩子哭之慟葬
於龍門山中既十年所忽夜夢馳驅如昔悲鳴戀戀覺
而爲詩弔之其辭云久失飛黃馬空餘血戰衣可憐橫
艸後不得裹屍歸力盡猶追敵功高幾潰圍年來生髀
肉夢爾淚頻揮

龍門健兒多以棉木爲槍長三丈餘三人持之一進一
龍門縣志

卷十六

雜錄

古

退以四尺爲率從地上挑起人馬敵不能近謂之八步
長槍屈翁山爲作龍門健兒行俱同上

蕨埔有楊梅橄欖樹數株高大殊常皆數百年物也每
當子熟離離輝映天日過其下者低回留之不能遽去
又有女貞樹一株俗名牛筋樹大十圍高十餘丈蔭數
畝相傳明永樂閒黃姓初遷之祖所植樹下有社壇其
神甚靈云採訪冊

譚田堡莘園有神仙拱地當通衢下有水溝其初爲平
橋屢壞於潦漲明萬歷閒鄉人復謀築之石雖具而工
未集一夜有人見造橋處火光閃閃心甚訝之晨往看
視已成拱橋不假灰鑿自然牢固石上有一大人跡咸

謂神仙所造故名神仙拱

莘園又有仙帶樓高六丈餘建自明萬厯閒月夜樓半或有白影纏束如帶至今甌色猶新相傳建樓時曾有仙人至此樓成遂常見帶影因以仙帶名樓屢被寇攻不能破

水西塔下有紅石狀如神身首皆備日久爲妖屢食人莫敢與鬪明末有道士林某多奇術能除妖其女牧牛偶至塔下妖欲食之女急奔獲免歸以告道士大怒右手仗劍左手執牛角戒其妻曰若有報我溺死者勿哭妻許諾遂往斫石首妖忽涌水丈許道士投牛角於水乘之順流而下未抵家妖化爲人以道士溺死報其妻龍門縣志

卷十六

雜錄

五

妻不信又再三報鄰人皆以爲眞妻忌其戒大哭道士遂溺死妖亦絕鄉人以道士有除妖功塙像祀之手仍執牛角焉

陳峒廟

在羅田堡

初建時廟地有二石工人以其礙也棄之明日石已返故處再棄再返鄉人神之遂立石祀焉號曰石精大王

研邨竹園一帶每歲大暑前後夜閒野火徧山谷高下聚散無定光熒照耀若羅浮之珠燈焉蓋煤火也

墨湖前山有一石狀如木匠之墨斗墨湖疑因墨斗得名或謂墨湖昔有蟲自呼爲蠓甚多地以蟲名故曰蠓湖然今無此蟲亦無作蠓者矣

蓼溪以下居民習於捕魚罾網之外有落橫江一法歲
秋冬閒以篾織作疏筴如帶高三四寸長以溪之廣爲
率橫置水底上下流各一初夏後持炬下水照之見魚
入其中皆兀然不敢跋刺用鐵杈刺取無一能脫者中
夜再取亦如前或見水中有怪物則無魚矣

城南相公廟神甚靈昔有鄰縣二人偶到廟中慕其香
火之盛相謂曰我輩歿後得爲神役使足矣歸卽得病
向同舍人語其故遂卒邑人聞而異之肖其像於神之
側

蓼溪諸生李翰舒常以利濟爲心一日於雷震物處得
一小石形似斧而色青黑多皺紋硬如玉喜曰此本草

龍門縣志

卷十六

雜錄

所謂霹靂礮可以濟人者也畱以爲佩每遇有小兒急
驚者取石磨水煮水灌之無不立愈俱同

龍門縣志卷十六終

